

جريدة حاكمية

❖ جمعه ايرتسی ❖

نومرو	محرم	سنه	تشرين اول	سنه	صحيفة
۲۷۱	۱۲	۱۳۰۲	۲۰	۱۳۰۰	۲۱۵۷

❖ اشبو غزته بهر هفته جمعه ايرتسی کونلری چيقار سنه لکی در سعادت ایچون مجیدیه ❖
 ❖ یکر می غروش حسابله التمش غروشدر طشره لر ایچون اون بش غروش پوسته اجرتی ضم اولنور بهر ❖
 ❖ نسخه سی ینه مجیدیه یکر می غروشه اولق اوزره یوز پاره به هر یرده صاتیلور درج اولنه حق اعلاناتک ❖
 ❖ هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائره سنده کائن ❖
 ❖ جریده محاکم اداره سنه مراجعت ایللیدر ❖

(تصحیح)

۲۷۰ نومرولی نسخه مزک ۲۱۴۳ صحیفه سنک
 ایکنجی ستونک اون بشنجی سطرنده (مرحتی
 عدالتنه غالب) دنیلجک ایکن ترتیب سهوی
 اوله رق (مرحتی غالب) دینلیدیکی کبی ۲۱۴۴
 نومرولی صحیفه سنده کی (غیظ) کله لری (غیض)
 دیزلمش اولغله تصحیحنه ابتدار اولندی

قسم رسمی

حلب ولایتی داخلنده کائن مرعش سنجاغی بدایت
 محکمه سی اعضا ملازم لکنه محکمه مذکوره ضبط
 کتبه سندن شا کر افندی

سیواس ولایتنه مربوط اماماسیه سنجاغی بدایت
 محکمه سی مستنطقلغنه محکمه مز بوره نک جزا
 قسمی ضبط کتبه سندن اجدمقداد بک تعیین بیورلمشدر

~~~~~

آیدین ولایتنه تابع صارو خان سنجاغی داخلنده واقع  
 طور غودلی قضاسی بدایت محکمه سی اعضا سندن  
 اولوب مستنطقلق وظیفه سنی ایفا ایدن سروری  
 افندی به اسناد اولنان سوء استعمالاتک اجرا قلمقده  
 اولان تحقیقاتی نتیجه پذیر اولنجه به قدر مومی الیهه  
 ایشدن ال چکدیر لمسیچون جانب نظارت جلیله  
 عدلیه دن محلی عدلیه مفشلکنه اعطای مأذونیت  
 بیورلمش واستنتاج اولنه حق حاکم اعلان ایدیلجکی  
 درکار بولتمشدر

~~~~~



271

قسم غیر رسمی

محاکمه محل اولدیغنه متعلق هیئت اتهامیه دن صدور ایدن قرارلرک هانکی نوعی قابل تمیز ایدوکنه دائر باش مدعی عمومیلک مأموریت بیه سندن سرد ایدیلوب ۲۶۶ نومرولی نسخه مزک ۲۰۸۳ نومرولی صحیفه سنه درج اولنان مطالعاتک تحریرنده سهو وقوعی اکلاشلغله بوکره دسترس اولدیغیز صورت صححه سنی بروجه زیر عیناً درج وتزیر ایدرز

اصول محاکمات جزائییه قانون موقتنک ایکوز اوچنجی وایکی یوز اون برنجی ماده لری احکامنه نظراً محاکمه محل اولدیغنه دائر هیئت اتهامیه دن ویریهلک قرارلر ایکی نوع اولوب برنجیسی دلائلک قعدا تندن و یا خود عدم کفایتندن طولای تخلیه سبیلی یعنی منع محاکمه بی متضمن قرارلردر بونلر قابل تمیز دکلدر چونکه بموقوله قرارلر تقدیر وقوعانه دائر اولدیغی ایچون تدقیق محکمه تمیزک وظیفه و صلاحیتی خارجنده فالور شوقدرکه قانون مذکورک یوز یکریمی بدنجی ماده سی اقتضاسیجه مؤخرأ دلائل جدیده ظهورنده یکیدن تحقیقات اجرا قلنه یلور ایکنجیسی ایسه دعوی اولنان فعلده جرم عده اولنه جق اثر اولدیغندن یعنی عزو واستاد ایدیلان فعلک ثبوتیه برابر افعال ممنوعه دن بولندیغندن طولای ویریلان ولسان قانونده عدم مسئولیت قرارلری تعبیر اولنان قرارلردرکه بونلر اساساً قابل تمیزدر چونکه کرک هیئت اتهامیه دن وکرک محکمه تمیزک مادوننده بولنان سائر محاکدن بر فعلک قانوناً افعال ممنوعه دن اولدیغی حالده اولدیغنه ذهولاً قرار ویرلسی محتمل بولندیغنه

و شو حالده کیفیت تقدیر وقوعات دائره سندن چیقوب مسئله قانونیه به انتقال ایده جکنه و مسائل قانونیه نک حلای ایلک احکام نظامیه نک تفسیری ایسه محکمه تمیزک وظائفی داخلنده اولدیغنه مبنی بموقوله قرارلرک اساساً قابل تمیز اولسی متفق عیه بر مسئله در فقط شوشرطله که تمیز دعواسنه تصدی ایدن مدعی عمومی محقق و مضبوط اولان وقوعات ایچون قانون جزاده جزایی مستلزم اوله رقی بر ماده قانونیه موجود اولدیغی اثبات ایتسی لازم کلور

هیئت اتهامیه مضبطه لریله محاکمه ضبطنامه لری صورت تحریر و تنظیمه دائر اولان مطالعات مابعدی

ایکیوز اون ایکنجی ماده ده مصرح اولدیغی وجهله اگر جرمک قباحت نوعندن اولدیغی اکلاشلور و مظنون علیه موقوف بولنور ایسه سبیلی تخلیه اولتیق ایجاب ایدر محاکم عثمانیه نک تشکیلات حاضره سی اقتضاسیجه لوا بدایت محکمه لری دائره حکومتلرنده وقوعبولان جنایاتی رؤیته مأمور اولدقلری کبی مرکز ولایت بدایت محکمه سنک دائره حکومتنده ظهور ایدن جنایات دخی محکمه استیفاءجه تدقیق اولنن لازمکله جکی معلومدر جنحه و قباحت دعواریه کلنجه بونلر یالکز لوا وقضا بدایت محکمه لریه عرض اولنه یلور شو قدر که قباحت و یا جنحه دعواسنک بر جنایت دعواسنه مربوط بولنسی حالنده تقریق جائز اوله میوب جنایتی رؤیته مأذونه و صالح اولان محکمه طرفندن دعوانک هر برجهتی حکم ایدیلور . جرایم مشترکه حقنده ایضاح

ایتدیکنز قواعد بوبابده دخی جاریدر مدعی عمومی طرفسندن تنظیمی ایکوز یکریمی ایکنجی ماده ده کوستریلان اتهامنامه دن مقصد اولا بونک بر نسخه سنی کندوسنه تبلیغ ایلک متهمی حقنده وقوعه کلان اسنادا تندن بالاطراف خبردار ایدرک مدافعه سنک تدارکنه میدان براتقی و ثانیاً اتهامنامه نک بدایت محاکمه ده علناً وجهراً قرائت اولنه جی جهله بونک مندرجات مفصله سی ایلک دعوانک احوال عمومیه سی حقنده قبل المحاکمه بر معلومات حاصل ایدرک مقام ریاستدن اجرا اولنه جق استجوابی و محاکمه نک ختامندن صکره جریان ایده جک مذاکره بی تسهیل ایتکدن عبارت ایدوکی مسلدر بناء علیه اتهامنامه نک صورت تنظیمی بمقصدک حصولی تأمین ایده جک درجه ده یعنی جرمک ماهیتی و وقوع حال ایلک جزایی تشدید و یا تخفیف ایده بیله جک اسباب و احوالک تفصیلات و تشریحن و متهمک اسم و شهرتی شامل اولتیق الزمدر . قانونک بوبابده کی تبیهاتنه مدعی عمومی مندرجات ایدرک رعایت حق مدافعه نک استعمالنی اخلال و محاکمه نک حسن جریانی سکنه دار ایده جکنندن بو خصوص اتهامنامه نک محکمه تمیز طرفندن کا ن لم یکن حکمنده طوتلسنی انتاج ایده یلور . هر حالده اتهامنامه جرمک نوعنجه هیئت اتهامیه دن صدور ایدن مضبطه نک محتویاتنه توافق ایتک شرط اولوب مدعی عمومی رأی خودیه نوع جرمک اساساً تغیرینی موجب اوله جق الفاظ استعمال ایده مز . برده اتهامنامه هیئت اتهامیه مضبطه سنده مذکور اولیان بر جرمی موضوع بحث ایده میوب انجق بادی اتهام اولان فعلک تقدیری ضمننده دیگر بر جرمی ذکر ایده یلور . هویت مسئله سنک درکار اولان فوق العاده اهمیتنه نظراً اتهامنامه ده

متهمک اسم و شهرتی صورت صریحه ده وترددن خالی بر حالده کوسترلسی لازمکلور . اما اثباتی تدقیقانه مظنون علیهک طاقندیغی اسم شهرت اتهامنامه ده استعمال اولنوبده مؤخرأ محاکمه صره سننده اول اسم و شهرت کاذب اولدیغنک ظاهر اولسی متهمه اتهامنامه نک کا ن لم یکن حکمنده طوتلسنی و تدقیقاتک تجدیدی ادعایه صلاحیت بخش ایده مز . و الحاصل اتهامنامه نک صورت تحریرینک صریح و ممکن مرتبه بی طرف اولسی و جرمک تقدیر و تشریح ماهیتی موجب کافه تفصیلاتی و متهمک تأمین هویتی بادی قیوداتی حاوی و هیئت اتهامیه نک قراری دائره سنده بولنسی الزمدر . شونی دخی علاوه ایده لم که اتهامنامه نک مندرجاتدن طولای هر نه طرفدن اولور ایسه اولسون مدعی عمومی علیهنه ناموس و تضمینات و سائر دعواسی اقامه ایدیه مز مکرکه مندرجات مذکورنک غرض و نفسانیت و خصوصتدن قصداً نشأت ایلدیکی تین ایده بالاده کوسترلیدی و ایکوز یکریمی اوچنجی ماده ده مصرح اولدیغی وجه اوزره مدافعه سنی تهینه ایده بیلک ایچون هیئت اتهامیه نک مضبطه سی و مدعی عمومی نک اتهامنامه سی متهمه تبلیغ و بونلرک بر صورتی کندوسنه اعطا اولنه جقدن . عبقاقانونک شو حکمنک عدم اجراسی بطلان معامله بی موجب اوله یلور می ؟ قانونده بوبابده برکونه صراحت اولدیغنه مبنی مفسرلریننده اختلاف وارد . بعضیلری تبلیغ معامله سنک اجرا اولنامسی معامله متعاقبه نک کا ن لم یکن حکمنده طوتلسنی انتاج ایتیه جکنی و متهم کرک مقام ریاستدن حین استجوابنده و کرک اثباتی محاکمه ده

تبليغ عدم وقوعدن ناشي شكايث و اعتراض درميان ايتامش ايسه ارتق بوخصوصي تميراً استعمال ايده ميه جكني و متهمك بو صورتله وقوعبولان سكوتي اتهام مضبطه سيله اتهانامه نك مندرجاته مطلع اولديغنه دلالت ايده جكني و بر متهمك اخذ و كرتي صره سنده هيئت اتهاميه مضبطه سيله اتهانامه نك كندوسنه قرايت ايدلمش اولسي تبليغ معامله سنده قائم اوله يله جكني و ايكي متهمه بر صورت براغلمسي بونلرك سكوتي حالنده ايلروده نقضي موجب اسبابدن معدود اوله ميه جغني وقف تبليغ معامله سنك عدم وقوعنه مبني اتهام مضبطه سيله اتهانامه مآلنه كسب وقوف و مدافعه سني تهيه ايده مديكندن بحثله متهم اثنای محاكمه ده كيفيتك تدقيق وقت آخره تعليق اولمسي استندا ايدر ايسه بو استدعا سنك اسعافي بولنه كيدلك لازم كلوب عكسي حال اعلامك نقضي ايجاب ايتديره جكني ادما ايدرلر . ديكرلري ايسه ايكيوز يكرمي اوچنجي ماده احكامنك تاممي ايفاسي محاكمه نك شرائط اساسيه سندن اولديغي و بوخصوص مدافعه حق مقدسنه متفرع بولنديغي اجلمدن تبليغ معامله سنك كلياً و يا قسماً اجرا اولنماش اولسهنه قبل الحكم اعتراض اولنماسي بعد الحكم شكايث ايتك حقني اسقاط ايده ميه جكني و بويه بر شكايثك ظهورنده محكمه تمير جانبدن اعلامك هر حالده نقض اولمسي لازم كله جكني رأينده بولنورلر . محكمه تميرك بو باده اتخاذ ايتديكي طريق قانوني شو ايكنجی رأي مركزنده ايدوكي متعدد قرارلر ايله مثبتدر بناء عليه تبليغ معامله سنك قانونده

جنایت دعوازينك سرعت فصل ورؤيتي غايب ملترم ايدوكندن ايكيوز يكرمي دردنجي ماده قانونيه وقت تبليغدن اعتباراً يكرمي درت ساعت ظرفنده متهمك هيئت اتهاميه نك بولنديغي محل توقيفخانه سندن محاكمه اولنه جغني لوا بدایت محكمه سي و يا خود محكمه استينافيه توقيفخانه سنده كوندرلسي امر ايده يور . فرانسه محكمه تميرينك قولجه مدعي عمومي حقوق عموميه نك محافظه سي بولنده يكرمي درت ساعت مرورندن اولدخي بونقل معامله سنك اجراسني تنبيب ايد بيلور . متهم در دست ايديله مديكوي يا اصلا اثبات وجود ايتديكي حالده ايكيوز يكرمي بشنجي ماده ايجانجه جريان ايده جك غياب معامله سنك تفصيلاتني باب رابعك فصل ثابيسنك تدقيقنه تعليق ايله ايكيوز يكرمي التجي ماده يه كچلم . اصول محاكمات جزائيه قانوننك طقوزنجي ماده سي موجبنجه قائم مقاملرك ضابطه عدليه دن معدود

اولديغي ملاحظه ايديلور ايسه ماده مذكوره نك مدعي عمومي طرفندن متهمك لوابدایت محكمه سنده و يا خود محكمه استينافيه ارسالي حقدنه هيئت اتهاميه دن مضبطه و يرلدیكني متهمك اقامتگاهي معلوم اولديغي حالده كرك آنك و كرك اجرملك وقوعبولديغي محلك تابع اولديغي قضا قائم مقاملرينه بيلديريله جكني امر ايتسندن مقصد بونلرك جرمة متعلق دسترس اوله يله جكركي كافه معلومات و اخباراتي عرض ايده بيللرندن عبارت ايدوكي مستبان اولور

هيئت اتهاميه نك لوابدایت محكمه سنده و يا خود محكمه استينافيه ارسالنه محل اولديغنه قرار و يرمش اولديغي مظنون عليهك تهمتي ايچون دلائل جديده ميدانه چيقدقجه اول دعوي ايچون محكمه يه كوندريله ميه جكنه دائر اولان ايكيوز يكرمي يدنجي ماده نك اهميت قانونيه سي دركاردر . بوماده يه متفرع باشلوجه بر مسئله يي يعني محاكمه يه محل اولديغي حقدنه هيئت اتهاميه دن صدور ايدن قرارلرك قابل تمير اولوب اولديغي مسئله سي ايكيوز اون برنجي ماده دن بحث ايتديكيز صره ده ايضاح ايتشيدك . ايضاحات مذكوره يه منضم اولق اوزره باش مدعي عمومي قسطاكي انطو پولو افندي حضر تريتك حقيقه شايان دقت اولان برقطعه مطالعه نامه سي بونكونكي نسخه مزه درج ايديلورز . دلائل جديده دن مقصد نه ايدوكنه كلنجه ايكيوز يكرمي

سكزنجی ماده ده هيئت اتهاميه مضبطه سنده ضعيف عدد اولتمش دلائلي تقويه ايدده جك و يا خود وقوع حاله ده از ياده اطلاع مدار اوله رق حقيقت حالك ظاهره چيتمسي موجب اوله جق صورتده وقوعبولان شهادتير و ظهور ايدن ضبط جریده لری و اوراق سائر دلائل جديده عد اولنور ديو بيان ايديلور ايسه ده بوماده لرك تطبيقاً تبخه تصادف اولنه جق مشكلاتك حلني تدقيق ايدلم

محكمه تمير اعضا سندن
شهباز

~~~~~

محكمه تمير جزا دائره سي

توقاد اورمق اشكنجه دن معدود دكلدر . بر كيمسه يه اشكنجه ايتش اولديغي اسناد ايديلور ايسه بواشكنجه نك ندن عبارت اولديغي تصریح اولنق ايجاب ايدر . بر طبيبك يكدیكرينه مباین و يرمش اولديغي راپور طر حكمه اساس اتخاذ ايديله مز .

طقسان سكز سنده سي محرملك او توزنجي كچه سي ساعت التي راده لرنده وقوعبولان فعل سرقتله مظنون و سفر يحصار حبسخانه سنده موقوف بولنان



قاسم اوغلی محمدی لیلًا حبسخانه دن چیقاردوب کندوسنه عزو اولنان سرققت فعلنی سولتدیرمک اوزره اشکنجه وضرب ایتش اولدیغی اجرا قلنان محاکمه علینده کندوسنک برتوقاد اوردیغنه دائر واقع اولان افاده سی وضبطیه عثمان چاوشله محمدک استنطاقاً مضبوط اولان اخبار لری وطیب ارقوله نك قسمله خبر ویرمی ايله ثابت اولدیغندن طولایی قانون جزانک یوز اوچنجی ماده سنه توفیقاً و تاریخ توقیفندن اعتباراً ژاندرمه ملازمی عزیز اغانک اوج سنه مدتله قلعہ بند اولنسنه دائر انقره ولایتی استیناف محکمه سندن تنظیم اولنان اعلامک تصدیق باش مدعی عمومیلک مأموریت بهیه سندن طلب اولنش ایسه ده اعلام مذکور اسباب آتیه به مبنی نقض ایدلسدر

کیفیتک تدقیقات تمیزیه سنه ابتدار اولندقدہ مرقوم عزیز اغانک قاسم اوغلی محمدہ اشکنجه ایتش اولدیغنه دائر اعلام اخیر مذکورده کوستریلان ومدار حکم اتخاذ ایدیلان دلائل مرقوم عزیز اغانک برتوقاد اوردیغن اقراری تحتندہ بولنمی وضبطیه عثمان چاوشله محمد وطیب ارقوله طرفلندن اخبار ماده اولنمی جهتلرندن عبارت اولوب انجق مرقوم عزیز اغانک برتوقاد اورمی اشکنجه دن معدود اوله میه جغی کبی مخبرون مرقوموندن عثمان چاوشله محمدک اجرا قلنان استنطاقلرندہ هرتقدر مرقومه اشکنجه ایدلدیکنی سولنش ایسه لرده بو اشکنجه نك ندن

عبارت اولدیغی اولوقت استیضاح ایدلماش اولدیغی مثالو بوجهتک تصریحی مدعی عمومی طرفندن دخی طلب اولنش اولدیغی حالده تعمیق تدقیقات اولنماش ومع مافیه بوکره جریان ایتش اولان محاکمه علینده مرقوم محمدہ اشکنجه اولندیغنی مخبران مرقومان قسمله اخبار ایتش اولدقوری حالده بو افاده لرینه اعتبار اولنمیو به ناقص طوتلش اولان استنطاقلر نك مدار حکم اتخاذ ایدلماش اولدیغنه وعند المحاکمه وقوعبولان شهادتک استنطاقده پکن افاداته رجائیتی دخی بدیهی بولندیغنه وطیب دنیلان ارقوله نك ایکی دفعه ویرمش اولدیغی معاملتک دخی یکدیگرینه مابین ومخالف بولنسنه مبنی شو حالده مرقوم عزیز اغان حقیقده لاحق اولان حکم مذکورده اصابت کور یله مدیکندن اصول محاکمات جزائیہ قانون موقتک اوچبوز اون دردنجی ماده سی موجبجه اعلام مذکورک نقضنه وخرج تعرفه سنک قرقجی ماده سی حکمجه نقض اعلام خرجی اولان ایکبوز غروشک اخذینه قرار ویرلدی

### محکمه تمیز جزا دائره سی

مستدعی تمیز شرائط تمیزیه بجهل سندن اولان



قرار ویرلشنی متعاقب باش مدعی عمومیلک مأموریت بهیه سندن وارد اولان تبلیغنامه ده اقدجه ویرلش اولان تبلیغنامه ده هرتقدر مستدعی تمیز طرفندن لایحه اعتراضیه ویرلماش اولدیغی کوستریلش ایسه ده مستدعی تمیزک ویرمش اولدیغی فی ۱۷ اغستوس سنه ۹۹ تاریخی برقطعه لایحه اوراقیله برلشدیرلیه رک سهوا دائره ده قلمش وخلاصه مالی دخی کندوسنک محکومیتنه دائر اعلام غیابی مذکورده کوستریلان عرصه قرق سنه دنبرو کندوسنک تحت تصرفندہ وقیوسی دخی خانه سی جهتنده اولدیغی حالده مدعی شخصی عارف افندی حقیق قیوسی قیماش وکندو طرفندن دیکلمش اولان اغاجلری سوکش اولدیغی جهتله بالعکس مومی الیهک جزائمی اقتضا ایده چکنی ومومی الیهک مؤخرأ ابراز ایلدیکی اعلام شرعیدن اصلا معلوماتی اولدیغی کبی کندوسننه ده هیچ برطرفندن تبلیغ اولندیغنی محکمه ده بیان ایلدیکی حالده اشبو ادعا وافاده لرینه جواب ویرلماش اولدیغندن بحثله اعلام مذکورک نقضی استداسندن عبارت بولنش وفی الحقیقه اعلام مذکورده مومی الیه ابراهیم بک طرفندن کندوسنک اعلام شرعیدن معلوماتی اولدیغی درمیان اولندیغنه ومعلوماتی اولدیغی تبین ایتدیکی حالده برائی لازمکله چکی مدعی عمومی طرفندن دخی ادعا قلندیغنه دائر صراحت کورلش ایکن بوجهت تدقیق اولنمیوب مسکوت عنه براغلش اولدیغنه مبنی اوچبوز اون دردنجی ماده موجبجه اعلام مذکورک نقضی طلب

اسباب تمیزیه بی حاوی لایحه اعتراضیه بی اعطا ایتلماش اولدیغی حالده تمیز استداسنک ردی لازمکله ایسه ده بعدالرد مذکور لایحه نك وقت وزمانیله اعطا قلندیغی وباش مدعی عمومیلک دائره سنده سهوا قلندیغی اکلاشیلور ایسه لایحه مذکورہ قبول اولنهرق تدقیقات تمیزیه به ابتدار اولنور . برمحکمہ مدافعه واقعہ بی نظر اہمیتہ المیہرق حکم یرندہ مسکوت عنه برائش اولور ایسه بوخصوص اعلامک نقضنی موجب اولور

سراجخانه باشنده دولکر زاده محله سنده مقیم لوازمات عسکر یه قومیسونی اعضاسندن ابراهیم بک محله مذکورده محمد سعید افندی زاویہ سی شیخی محمد عارف افندی عرصه سنه مولوز دوکسندن طولایی قانون جزانک ایکبوز سکرنجی ماده سی موجبجه دائره عسکر یه ده بش کون حبسنه دائر غیاباً ویریلان اعلامک میر مومی الیه طرفندن وقوعبولان اعتراض علی الحکم استداسی اوزرینه ینہ غیاباً تصدیقنی متضمن درسعادت بدایت محکمه سی جزا دائره سندن اعطا ایدیلان فی ۱۶ ذی القعدہ سنه ۹۹ وفی ۷ ایلول سنه ۹۸ تاریخی اعلامک مدت قانونیه سی ظرفندہ تمیزی مومی الیه ابراهیم بک طرفندن استداسی شرائط تمیزیه دن اولان ایکی یقچ لیرا جزای نقدی دخی اعطا قلنش ایسه ده شرائط تمیزیه بجهل سندن اولان اسباب تمیزیه بی حاوی لایحه اعتراضیه ویرلماش اولمندن ناشی تمیز استداسنک ردینه



اولئسيله محكمه تمیز جزا دائره سنجہ آئیده کی قرار ویرلشدر

اول امرده بوجه محرراستدای مذکور ودايدلش اولديغی جهته شوصورتله تکرار قبولی جائز اولوب اولیه جغی جهتی لیدی المذاکره لایحه مذکوره نك وقت وزمانيله ویرلش اولديغی حالده محكمه به کلامسی باش مدعی عمومیک دائره سنجہ سهو عايدین نشأت ایتش اولديغی مذکور تبليغنامه ده تصریح و بیان قلنش اولسنه نظراً بونده مستدعی تمیزك برقصوری اولماغله لایحه مذکوره نك قبولی اکثریت ارا ايله قرار کیر اولدقدنصرکه مذکور محكمه بدایت اعلاميله اوراق سائر قرائله تدقیقات تمیزیه اجراسنه کیریشلدکده ذکر اولسان تبليغنامه اخیره ده کوسترلديکی اوزره مومی الیه ابراهيمك عرصه مذکوره نك قرق سنه دنیرو تحت تصرفنده اولديغی ادما ایتديکی مومی الیه محمد عارف افندينك تصرفنه دائر محكمه تقیتشدن ویرلش اولان اعلامدن اصلا معلوماتی اولديغی وکندوسنه رسما دخی پیلدیرلديکني اثنای محاکمه ده بیان ومدعی عمومی دخی مذکور عرصه به ابراهيم بکک قدیمًا متصرف اولسی جهته به بوعرصه نك دیکر طرفه صورت رسمیده تسلیم اولنماش ایسه میرمومی الیهك برائتی لازمکه جکني اثبات ایلديکی حالده بوجهت محكمه بدایتجه مسکوت عنه براغلش اولديغی اکلاشیلديغنه وبوصورتك حقوق مدافعه به تعلق جهته نقضی مستلزم نواقصدن

بولنديغنه مبنی اعتراض مذکور بجا اولمغله اصول محاکمه جزایه قانون موقتك اوچيوز اون دردنجی و اوچيوز اون طقوزنجی ماده لی حکمنجه اعلام مذکورك نقضنه وخرج تعرفه سنك قرقجی ماده سی موجبجه تمیز اعلامی خرجی اولق اوزره ايكیوز غروشك اخذينه وجزای نقدی مذکورك مستدعی تمیزه اعاده وتسليمه قرار ویرلدی

#### محكمه تمیز حقوق دائره سی

بروصی طرفندن عقد اولنان صلح ثابت وایتام حقتده نافع اولديغی تقدیرده عمومی وایتام حقتده متعقلی اولديغی صورتده بالکز وصی حقتده حکمی اولق لازم کلور. برسنه زربینه موضوع مهر ایشده علاقہ سی ومنفعتی اولان بر طرفدن انکار ایلديکی حالده مهرك صحتی حقتده اصول محاکمه حقوقیه قانون موقتك تطبیق خط وخاتم فصلنده کوسترلديکی اوزره اجرای تدقیقات اولنسی مقتضیدر. بر جفتلکه تعیین ایدلش اولان بدل ایجار اجر مثل درجه سنده اولوب اولديغنك وقوعبولان ادما اوزرینه تحقیق ایجاب ایدر

بشکطاشده تشریفیه محله سنده ساکنه متوفی عرب محمد پاشا زوجہ سی واولاد صفارینك وصیه سی امینه شاذیه خاتمه اولاد صفارینك مستقلاً عهده تصرفلنده بولنان تکفور طاغی

قضاسی داخلنده کوجك کینکلی دیمکه معروف چفتلکک حاوی اولديغی اراضی واملاک وابنيه و تیمور باش حیوانات واشیاسی ايله برابر طقسان تاربخندن طقسان التي تاربخنه قدر بدل معلوم ايله باقونطوراتو ومدت مذکوره نك انقضاسندن صکره الی لیرا بدل مقابلنده برسنه مدت ایچون شفاهاً تکرار درسعادته سرکه جی اسکله سنده حاجی عثمان افانك قهوه خانه سنده مقیم ارنیود عبدالله اغایه ایجار ایدلش ومدت مذکوره دخی طقسان یدی سنه سی ایلونك ابتدا سنده منقضیه اولمش ایدوکندن مذکور چفتلکک تیمور باش ومشتلاتنك و بدل ایجار دن مؤکله سنك باسند مطلوبی بولنان التمش درت بچق لیرانك مرقوم عبدالله افادن استراد وتحصیلی ومذکور چفتلکده بولنوب تحت حجزه النان تیمور باش وذخائرک مستأجر مرقوم جانبندن اتلاف ایدلکده اولديغی جهته ویرله جك حکمك موقتاً اجرا سنه قرار ویرلشی مومی الیه امینه شاذیه خانم وکیلی جانبندن تکفور طاغی بدایت محكمه سنده طلب ودعوی وعنده المحاکمه مرقوم عبدالله اغا وکیلی جانبندن دخی مذکور چفتلکک باقونطوراتو تعیین ایدیلان مدت اجاره نك انقضاسندن صکره مومی الیه طرفندن کوندریلان وکیل معرفتیه طقسان التي تاربخندن طقسان طقوز سنه سی ایلولنه قدر اوج سنه مدت وسنوی الیشیر لیرا بدل ايله مؤکله ایجار ایدلش اولديغی ومذکور چفتلکک متصرف سابق اولان متوفی عرب محمد پاشانك بدل ایجار دن طولای مؤکله باسند اله جغی بولنان یتش بر بچق لیرا ايله طقسان یدی سنه سی ایلولنه دکن تراکم ایدن اجاره نك محاسبه سی بارؤیه مؤکله بر موجب ادما ظهور

ایدن التمش درت بچق لیرا دینی ایچون خانم مومی الیه بیه برقطعه سند ویرلش ومومی الیه طرفندن دخی مذکور یتش بر بچق لیرای حاوی سنك ضیاعی حسبیله مؤکله برقطعه بطلانامه اعطا ایدلش ایسه ده سند مذکور اخیراً مرحوم مشار الیهك ورثه سنندن یرینك یدینه یکمیش اولديغی جهته مذکور سنك خانم مومی الیه جانبندن مؤکله اعاده سی حالنده مذکور التمش درت بچق لیرا دخی ایفاقلنه جغی وحجز مذکور اوزرینه مدت نظامیه سی ظرفنده دعویاه قیام اولنديغی ملاسمه سیله حسب القانون حجزك حکمی اوله میه حقتدن فکی وبقیه مدت اجاره اولان ایکی سنه ایچون مؤکله ابقای حق تصرفی مدافعه بالیان فی ۱ ایلول سنه ۹۶ تاریخله دخی وکیلی امضاسی وعلی مهرینی حاوی ومذکور چفتلکک بادفترمفردات تیمور باش حیوان واشیای سائرہ می ايله مرقوم عبدالله اغایه طقسان التي سنه سی ایلولی ابتدا سندن طقسان طقوز سنه سی ایلولی نهایتنه قدر اوج سنه مدت وسنوی الیشیر لیرا بدل ايله ایجار اولنديغی شرطنی وشرائط سائرہ بی محتوی برقطعه مقاوله سنديله فی ۵ نموز سنه ۹۷ تاریخلی وامینه شاذیه مهرلی مذکور بطلانامه ابراز واعطا قلنش اولسی اوزرینه خانم مومی الیه وکیلی طرفندن مذکور مقاوله سننده بولنان مهر مؤکله سنك بعض خصوصه وکیلی بولنان علی رضا افندينك مهری اولدقدن بشقه افندی مومی الیهك چفتلکی ایجاره وکالتی اولنديغی ووکالتدن معزول بولنديغی جهته احتجاجه غیر صالح ایدوکي افاده ومدعی علیه وکیلی جانبندن دخی مذکور مهر وکیل علی رضا



افنديك مهرى اولوب مومى اليهك چفتلك ايجارينه  
دخى ماذونيتى بولنديغى وادما اولنان تيمور باش  
حيواناندىن اوتوز رأس حيوان زمان استيلاده ضايغ  
وتلف اولمغله مرحوم محمد پاشانك مخدومى على  
بكك دامادى مسعود وخاتم مومى اليها وكيل  
مومى اليه على افنديلرله بالمصالحه المذكور حيوانات  
اصل تيمور باش دفتردن تنزيل قلمش ايسه ده اولباده  
تعاطى اولنان صلحنامهك ضايغ اولديغى بيان  
وحكايه اولمش ووقوع صلحى خاتم مومى اليها  
وكيلنك انكار ايش اولمشى ولدى الاستعلام  
مومى اليها امينه شاذيه خاتم طرفندن امور وصايتى  
اداره ورؤيته وصغارك پدرندن منتقل اوقافك  
مزايده سيله آخره فراغنه وكيل بولنان بدستانى  
على رضا افنديك فى ۱۷ صفر سنه ۱۲۹۸  
تاريخنده عزل ايدلىكى قسام عسكر يدن انسان  
فى ۲۰ ايلول سنه ۹۷ تاريخلى تلغرافنامه  
مأئندن اكلاشلى اوزرينه مرقوم عبد الله اغا  
وكيل طرفندن المذكور چفتلك ايجارينه و صلحه  
مومى اليه على رضا افنديك وكالتى ثابت اولديغندن  
خاتم مومى اليهانك اجراى تخليفى طلب قلمش  
ايسه ده محكمه المذكوره جريان ايدن تدقيقات  
نتيجه سنده المذكور مقاوله نامه ده بولنان مهر مومى  
اليه على رضا افنديك مهرى اولديغى كى افندى  
مومى اليهك چفتلك ايجاره و صلحه وكالت  
وماذونيتى بولنديغى دخى سالف الذكر تلغرافنامه  
مأليه تين ايتش وادما اولنان صلح ايسه قول  
مجرده قلمش اولديغى جهتمله خاتم مومى اليهايه  
يمين توجه ايدر جهت بولنديغى بيانله مرقوم  
عبد الله اغانك معارضه دن منعنه وجز المذكورك  
موافق نظام اولديغندن تصديقيه برابر مع مشتلات

مذكور چفتلك وتحت اقرار واعترافده بولنان  
تيمور باشلرك ومذكور التمش در بيق ليرانك مرقوم  
عبد الله اغادن عينا ومثلاً استرداد وتحصيليه  
خاتم مومى اليهايه تسليمه وحكمك موقتاً اجراسى  
لزمه دائر و يريلان حكم وقرارى حاوى تنظيم  
قلمش اعلام عليهنده مرقوم عبد الله اغا وكيل  
جانبندن ادرنه استيناف محكمه سنه مراجعه  
استيناف دعواسنه قيام اولمشى ولاجل المحاكمه  
وقوع بولان دعوته مومى اليها شاذيه خاتم طرفندن  
اجابت اولنامسى اوزرينه محكمه المذكوره ج  
مدعى عمومى حضور يله عن الغياب اجرا قلمش  
محاكمه وتدقيقات نتيجه سنده خاتم مومى اليهانك  
بر موجب سند طلب ودعوى ايتديكى المذكور التمش  
درت بيق ليرانك مرقوم عبد الله اغا طرفندن اقرار  
واعتراف اولمش اولمشى جهتمله درجه اولى  
محكمه سنجيه مبالغه المذكورنك موقت اجرا ايله  
برابر مرقوم عبد الله اغادن تحصيلنه دائر و يريلان  
قرار موافق قانون بولمش اولوب انبى مذكور  
تيمور باش حيوانات واشيا چفتلكه تبعاً ايجار  
اولنديغى جهتمله مجملهك التيوزنجى مادهسى  
حكمنجه مستأجر عبد الله اغا بنده امانت اولسنه  
وزمان استيلاده ضايغى ادا اولنان حيوانات  
مرقوم عبد الله اغانك تعديمى وتقصيرى اولقسزى  
تلف وضايغ اولديغى تقديرده ضمان ترتيب  
ايتيه جكى دخى مجملهك التيوز برنجى والتيوز  
ايكنجى مادهلرى اقتضاسندن اولديغنه بناء سالف  
الذكر حيوانات حقنده وقوعى درميان اولنان  
صلحك حكيمى اولديغى ومذكور چفتلك سنوى  
الى ليرا بدل وطقسان التى سنه سى ايلولى ابتداسندن  
اعتباراً اوج سنه مدت ايله عبد الله اغايه ايجار

اولنديغنه دائر تنظيم اولنان مذكور فى ۱ ايلول  
سنه ۹۶ تاريخلى سنده مهرى بولنان على رضا  
افنديك فى ۱۷ صفر سنه ۹۷ تاريخنه دكين  
ورثه صغارك وصيه سى مومى اليها امينه شاذيه  
خاتم طرفندن امور وصايتى اداره و كالتى  
اولديغى قسام عسكرى جانبندن يازيلان فى  
۲۰ ايتول سنه ۹۷ تاريخلى تلغرافنامه دن  
مستبان وزير سنده مطبوع مهرك دخى وكيل  
مومى اليه على رضا افنديك معاش مهرى اولديغى  
مرقوم عبد الله اغانك وكيل طرفندن يامذكوره  
مخصوصه محكمه يه اعطا اولنان وظهرنده قدر يه  
حسنه مهرى بولنان چراقلى معاشنى حاوى بش  
قطعه قيونده على ناميله مطبوع اولان مهرله  
تطابقيله نمايان اوله رقى شوحالده وكيل مومى اليه  
على رضا افنديك ورثه صغارك چفتلك مذكورده كى  
حصه لرى وصى وكالتيله ايجاره صلاحيتى  
دركار ايسه ده خاتم مومى اليهانك حصه سنى  
ايجاره وكالتى ثابت اولمامغله اصول محاكمه حقوقيه  
قانون موقتك التمش سكرنجى ومجلهك بىك بىك يوز  
قرق ايكنجى مادهلرى ققره اخيره لرى حكمنجه  
خاتم مومى اليهانك حصه سنى ايجاره على رضا  
افندى بى توكل ايتديكنه دائر مستأفف عبد الله  
اغانك خاتم مومى اليهايه يمين تكليفنه حق بيدار  
اولديغندن شوحالده يمينه تعليقاً عقد ايجار صحيح  
ومنعده حكمنده بولنديغنه مبنى درجه اولى اعلامنك  
متضمن اولديغى قرارلردن التمش درت بيق  
ليرانك موقت اجرا ايله برابر مرقوم عبد الله اغادن  
تحصيلى حقنده اولان قرارك تصديقيه صلح و ايجاره  
متعلق اولان قرارلرىك فسخنه ومذكور چفتلك  
مرقوم عبد الله اغا يه تسليميله مدت ايجارك انقضاسنه

دكين ينده ابقاسنه قرار و يرلش ايسه ده مومى  
اليها امينه شاذيه خاتم طرفندن وقوع بولان تيمور  
استينافى اوزرينه اعلام مذكور محكمه تيمور  
حقوق دائره سندن اسباب آتیه يه مبنى نقض ايدلشدر  
ايجابى لدى المذاكره ادرنه استيناف محكمه سى  
اعلامنك نتيجه حكيمى مومى اليها امينه شاذيه  
خاتم وكيل جانبندن المذكور چفتلك بقيه بدل  
ايجارى اولقى اوزره طلب ودعوى ايديلان التمش  
درت بيق ليرانك سنده مربوط وعبد الله اغا طرفندن  
معترف اولسنه مبنى اعلام ابتدائىك مبلغ  
مربورك اغاى مرقومدن تحصيلنه دائر اولان  
قرارنك تصديقه وتيمور باش حيوانات حقنده  
وقوعى درميان اولنان صلحك مجله موحبنجه  
حكيمى اولديغى ومذكور چفتلك اوج سنه مدتله  
ايجارينه دائر اولان سالف الذكر فى ۱ ايلول  
سنه ۹۶ تاريخلى سنده كى مهرك وصى وكيل  
اولان مومى اليها على رضا افنديك اولديغى  
عند المحاكمه ابراز اولنان قوچانلرده كى مهرله  
بالتطبيق اكلاشلى افندى مومى اليهك ورثه  
صغارك مذكور چفتلكه كى حصه لرى وصى  
وكالتيله ايجاره صلاحيتى دركار ايسه ده خاتم  
مومى اليهانك حصه سنى ايجاره وكالتى ثابت  
اولمامغله كندى حصه سنى ايجاره خاتم مومى اليهانك  
على رضا افندى بى توكل ايتديكنه دائر مزبور  
عبد الله اغانك مومى اليهايه يمين تكليفنه حق  
اولديغندن يمينه تعليقاً عقد ايجار صحيح ومنعده  
حكمنده بولنديغى بيانله مذكور بدايت اعلامنك  
بوجهلره متدائر بولنان حكمنك فسخيله ذكر  
اولنان چفتلك مرقوم عبد الله اغا يه تسليميله مدت



ایجارک انقضاسنه دکن اهای مرقومک یدنده ابقاسی لزومنه قرار ویرلدیکندن عبارت اولوب فی الواقع خانم مومی الیها جانبندن بدایه ابراز اولنوب مبالغ مذکوره فی حاوی اولان سندک مرقوم عبد الله اغا طرفندن تصدیق و اقرار ایدلش اولمسيله مرقومک بر موجب اقرار التمس درت بحق لبرا محکومینه قرار ویرلسی یولنده و موافق قانون بولنش اولدیغندن اعلام استینافینک بوجهت حقنده اولان حکمیک تصدیقنه و فقط ایجار و صلح مادهلرینه گنجیه و قوعی ادعا اولنان صلح مذکور حقنده عند الاستیناف اجرای تدقیقات اولنه رق صلح مذکور ثابت و ایتم حقنده نافع اولدیغی تقدیرده عمومی و ایتم حقنده منفعتی اولدیغی صورته بالکز وصی حقنده حکمی اوله جغی درکار ایکن صلح مذکورک حکمی اولدیغی یولنده قرار ویرلسی یولسز اولدیغی کبی مذکور چقتلکک اخیراً اوج سنه مدله کندوسنه ایجار اولدیغی مین مستاجر مرقوم عبد الله اغا جانبندن ابراز اولنان مقاوله نامه دهه موضوع مهرک مومی الیها امینه شاذیه خانم طرفندن امور وصایتی ادارهیه وکیل تعیین ایدلش اولان علی رضا افندیکن مهری اولدیغی بدایه خانم مومی الیها وکیل طرفندن بالبان صورت انکارده بولنش اولدیغی جهته محکمه استینافیه جه مذکور مقاوله سندنده بولنان مهرک مومی الیه علی رضا افندیکن مهری اولوب اولدیغی حقنده اصول محاکمه حقوقیه قانون موقتک تطبیق خط و خاتم فصلنده کوستردیک اوزره اجرای تدقیقات اولنسی مقتضی و بونکله برابر مذکور چقتلکه تعیین ایدلش اولان بدل ایجارک اجر مثل درجه سنده

اولوب اولدیغنک تحقیق مجله نك درتیوز قرق برنجی ماده سی جله احکامندن اولدیغی حالده ادرنه استیناف محکمه سنجیه جهات مذکوره حقنده اجرای تدقیقات و تحقیقات اولنقسزین علی الاطلاق ایجارک صحت لزومنه حکم و قرار ویرلش اولسی احکام دخی مجله یه و اصول و قانونه مغایر بولندیغندن مستدعی تمیزک بوجهته متدائر اولان اعتراضاتی شایان قبول کورنش و باش مدعی عمومی معاونی یورغای افندی جانبندن بوباده سرد و ایراد اولنان مطالعات نفس الامر موافق کورنش اولدیغندن اصول محاکمه حقوقیه قانون موقتک ایکیوز اوتوز ایکنجی ماده سی موجنجیه اعلام مذکور بوجهت ردن طولانی نقض ایدلش اولغله جهات مذکوره نك صور مشروحه دأرسنده تدقیقات و تحقیقاتی بالاجرا اصلاح و اکمال ایدلسی ضمنده مذکور ادرنه استیناف محکمه سنه اعاده سنه و اعلام مذکورک تصدیق اولنان جهتندن طولانی التون اوله رق التمس لازم کلان ایکیوز الی سکر غروشک مستدعی مومی الیها امینه شاذیه خانمه رجوع ایتک اوزره مرقوم عبد الله اغادن و نقض ایدیلان جهتی ایچون مجیدی اوله رق اخذی ایجاب ایدن ایکیوز غروشک یوزاللی اوج غروش مصارف محاکمه ايله برابر ایلروده حقسز چیتقه جق طرفه مائد اولق اوزره اول امرده مومی الیها امینه شاذیه خانمندن و صورت و تبلیغ خرجلری بولنان قرق غروشک دخی مناصفه طرفیندن التمس فی ۲۳ شباط سنه ۹۸ تاریخنده اکثریت آرا ايله قرار ویرلدی

-----

## اعلان

قبودان دیمترینک زانبه لیغور ذمتنده ککبوزه بدایت محکمه سندن صدور ایدن فی ۱۴ شباط سنه ۹۹ تاریخلو والتش عددلو اعلام موجنجیه محکوم به مطلوبی بولنان معلوم المقدار مبالغک تأمین استیناف ایچون داینک استنداسی اوزرینه وقوعات قلمندن لدی السؤال مدیون لیغورینک عهده سنده ایدوکی قیداً تین ابدوب اصولاً تحت حجزه النان دار یجه قریه سنده صارنج نام محله واقع طرفلری هاجی خره لامبوس و هاجی استرادی و متوفی طواقبی باشی ورثه لری و برطرفندن دخی طریق عام ايله محدود تخمیناً درت دونم مقداری برقطعه ملک باغک تاریخ اعلاندن اون بش کون صکره بالمزایده فروخته تشبث اولنه جغی ککبوزه بدایت محکمه سی اجرا دأره سندن اعلان اولنور فی ۸ تشرین اول سنه ۳۰۰

~~~~~

مریم قادینک هاجی پاریس خانم ذمتنده با اعلام الاجغی اولان مبالغ معلومه نك تأمین استیناف ایچون تحت حجزه النان مدیونه مومی الیهانک اسکدارده سلامسزده پاپاس اورام زقاغنده کاشن اون ایکی نومرولی بر باب خانه سی عند المزایده لیرا یوز

غروش حسابيله اون ایکی بیک غروش بدل ايله طالبی عهده سنده تقرر ایتکله تاریخ اعلاندن اعتباراً اوتوز برکون صکره قرار قطعسی و یر یله جکندن یوزده بش ضمیمه زیاده طالب اولنلرک اسکدار بدایت محکمه سی اجرا دأره سنه مراجعت انظری اعلان اولنور

فی ۹ تشرین اول سنه ۱۳۰۰

تبعه دولت علیه دن و سیسام اهالیسندن ارنبود قریه سنده مقیم پترو ولد یماندی امضاسيله فی ۵ ایلول سنه ۳۰۰ تاریخنده بک اوغلی بدایت محکمه سی برنجی حقوق دأره سنه اعطا اولنان عرضحال ارنبود قریه سنده سبره واتیجی سواقغنده ۲ نومرولی بر باب منزل ايله تحتنده ایکی نومرولی ایکی باب دکان کندوسنک مالی اولدیغی حالده جزیره مزبوره اهالیسندن مانول ولد نیکیته عهده سنه مواضعه فراغ ایتش و بوکره مرقوم مانول وفات ایتش اولدیغندن متوفای مرقومک اوج نفر اولادی دیسا و یاتقو و قالو پینک جلیبيله املاک مزبوره نك عهده سنه اعاده فراغ ایتدی رلسی خصوصنک تحت قراره التمس طلب اولنش و مدعی پترونک مدعی علیهمک اقامتکاهی اولدیغی بیان ایتش اولدیغی ارنبود قریه سنه علی الاصول مباشر معرفتیه کوندر یلان احضار ورقه سنک زیرینه مدعی علیهمک موجود اولدیغی قریه مزبوره مختاری طرفندن یازیلان شرحندن اکلاشلش و تعیین اولنان کونده محکمه یه کلش

اولان مدعی یمانندی حکم قانونک اجراسنی طلب
ایش و بومثالو غیبو بت ایدن اشخاص علیهنده
اقامه اولنان دعوی اوزرینه اولباده تهریر و تنظیم
ایدیلان احضار ورقه سنک بر صورتی محکمه
دیوانخانه سنه تعلیق و غزته لاله اعلان اولمق
لازم کله جکی اصول محاکات حقوقیه قانون موقتک
یکرمی التجی ماده سی حکمی اقتضاسندن بولنش
اولدیغنه بناء شو حالد اشوبیک اوچیوز سنه سی
تشرین اولنک اولندن اعتباراً التمش برکون ظرفده
مدعی علیهم دیسا و یانقو و قالو پینک بک اوغلی
بدایت محکمه سی برنجی حقوق دائره سنه کله رک
اثبات وجود ایتمی و کلدکری تقدیرده حکم
قانونک اجرا قلنه جغی اعلان اولنور

۲ محرم سنه ۳۰۲ و فی ۱۰ تشرین اول سنه ۳۰۰

امین بکک دیننه مقابل عارفه خاتم عهده سنه وفاء
فراخ ایتش اولدیغی تحت القلعه جوارنده رستم
پاشا محله سنده چاوش باشی زقاغنده کائن یکرمی
القی نومرولی بر باب وقف کارکیر چو جلی مغازه سی
کدکی نصف حصه سی عند المزیاده لیرا یوز غروش
حسابیله اوچبیک یوز غروش بدل ایله طالی
عهده سنده تقرر ایتکله تاریخ اعلاندن اعتباراً
اوتوز برکون صکره قرار قطعیسی و یر یله جکندن
یوزده بش ضمیمه زیاده یه طالب اولنلرک اسکدار
بدایت محکمه سی اجرا دائره سنه مراجعت الملری
اعلان اولنور

فی ۱۱ تشرین اول سنه ۳۰۰

ارضرومده مقیم بالطه جیان قره بت و اوخانس
ومغدیج ایله داخلی قومبانیه بولنان درسعادته
بوسفیان خاندنکی برادرلری اغوب ونظرت افارک
ارضرومده تجارت محکمه سی طرفندن موقتاً
افلاسیتلری تحت حکمه التمش اولدیغندن ذکر
اولنان قومبانیه ده الاجلی بولنان اصحاب مطلوبک
فی ۴ تشرین اول سنه ۱۳۰۰ تاریخندن
اعتباراً قرق کون ظرفده سندات و مکاتیر یله
برابر ارضرومک طاش مغازلرنده تشکل ایدن
ماسه یه مراجعت الملری محکمه مذکوره ریاستی
جانبندن وقوع بولان اشعار اوزرینه درسعادت
محکمه تجارتی اجرا دائره سنندن اعلان اولنور

فی ۱۱ تشرین اول سنه ۳۰۰

سعادتلو بهجت بک افندیکنک مخلص بک ذمتنده
با اعلام الاجغی اولان مبالغ معلومه یه مقابل
داین مومی ایله عهده سنه فراغ ایدلش اولان
غلطه ده قله قپوسی جوارنده استرزقاغنده واقع
یکرمی بدی ویکرمی طقوز و اوتوز بر نومرولرله
مرقم ایکی باب خانه ایله بر باب دکانک فروختی
محکوم اولغله تاریخ اعلاندن اعتباراً اون بش
کون صکره مزایده سنه مبادرت اولنه جغی
اسکدار بدایت محکمه سی اجرا دائره سنندن
اعلان اولنور

فی ۱۳ تشرین اول سنه ۳۰۰

اجرا دائره سنه مراجعت الملری اعلان اولنور
فی ۱۵ تشرین اول سنه ۳۰۰

بدر و سک چفتجی نیقولاسی ذمتنده با اعلام شرعی
الاجغی اولان مبالغ معلومه نک تسویه سی ضمیمه
مدیون مرقومک پدرندن منتقل بلاط قر بنده کسمه
قیانا نام محله جامی محی الدین محله سنده سکودلی
بقال زقاغنده واقع اون بش وان بدی و اون سکز
نومرولر ایله مرقم اوج قطعه عرصه ده متصرف
اولدیغی ربع حصه سی بوندن اقدام بالمزایده لیرا
یوز غروش حسابیله اون بش نومرولی عرصه ده کی
ربع حصه سی اوچبیک و اون بدی نومرولی عرصه ده کی
ربع حصه سی بیک یوز الی و اون سکز نومرولی
عرصه ده کی ربع حصه سی دخی التیوز غروش بدل ایله
طالی عهده سنده تقرر ایتش اولدیغندن تاریخ اعلاندن
اعتباراً اوتوز برکون قدر یوزده بش ضمیمه زیاده یه
طالب اولنلرک اعلامات شرعیه اجرا دائره سنه
مراجعت الملری اعلان اولنور

فی ۱۷ تشرین اول سنه ۳۰۰

بیوک چکمجه قضا سنده انارشه قریه لی پانواوغلی
اوستویاندن محولاً قاریقه جی استراطی قاریقه سنده
خدمتجی یانی اوغلی واسیلک قضاء مزبور بدایت
محکمه سنک بر قطعه اعلامی موجبیه ایلیا کهیا
اوغلی دیمو ذمتنده اولان مطلوباتک استیفاسی
ضمننده مدیون مرقومک مالندن اولوب محجوز
بولسان یکرمی رأس طامیرلق اغنامک تاریخ
اعلاندن اعتباراً اوج سکون صکره مزایده یه
قونیه جغندن ظهور ایده جک طالبلری بیوک

اوستریا دولتی تبعه سنندن متوفی ادروس زوجیه سی
انطونیه قادیکنک برنجی حقوق دائره سنندن وانی
تصدیقاً محکمه استیناف حقوق قسمندن صدور
ایدن اعلام موجبیه مغدیج باشکیان ذمتنده
اولان الاجغی نک تسویه سی چون تحت مجزه الدیرمش
اولدیغی غلطه ده سلطان بازید محله سنده
قلنج علی پاشا جاده سنده واقع تخمیناً التمش بدی
آرشون سکز برقم عرصه اوزرینه مینی
یوز التمش بر نومرولی و شهری اوچیوز الی
غروش ایجار کتور و ظهرنده قرق بدی آرشون
اون ایکی برقم بغچه و درون بغچه ده بر باب کارکیر
مخزن و فوقنده ایکی اوطه یی حاوی کارکیر بر باب
قهوه خانه ایله اتصالنده واقع التی آرشو اون اوج
برقم عرصه اوزرینه مینی یوز التمش اوج نومرولی
کارکیر تنباکوجی دکانی و اکا متصل بتمش سکز
آرشون عرصه اوزرینه مینی یوز التمش بش
نومرولی و شهری بشیوز غروش ایجارلو فوقنده
صغیر و کبیر اوج باب اوطه و ارقه جهتنده اون سکز
آرشون عرصه اوزرینه مینی کارکیر بر باب
جامه شوی و ابدستخانه بی شامل بیره خانه که جمعاً
اوج باب عمارده مستقر یوز یکرمی سهم اعتبار یله
قرق ایکی سهم کدیکنک اوج حصه دن بر حصه سی
بوندن اقدام مزایده یه چیقارلش و التمش برکون
ظرفنده اجرا اولنان مزایده ده لیرا عثمانی یوز
غروش حسابیله بشیک غروشه مشتریسی
عهده سنده تقرر ایش و موقت قراردادده سی چکلمش
اولغله بوندن زیاده یه یعنی یوزده بش ضمیمه
طالب اولنلرک تاریخ اعلاندن اعتباراً اوتوز
برکون ظرفنده درسعادت بدایت محکمه سی

چکمه بدایت محکمه سی اجرا مأموریتنه مراجعت
ایلری اعلان اولتور

فی ۱۷ تشرین اول سنه ۳۰۰

~~~~~

احدبک زوجه سی فاطمه زهرا خانمک بدایه وانی  
تصدیقاً استینافاً صدور ایدن اعلانات موجبیه  
زکائی افندی به محکوم به دینی بولسان مبالغک  
تسویه سی ضمنده خاتم مومی الیهانک محمود پاشاده  
شکرچی خانی تحتنده کائن برطرفی قرق طقوز  
نومرولی از میرلی اوغلی پارلانک مغازه سی دیگر  
طرفی شایطایک متصرف اولدیغی قرق اوج  
نومرولی مغازه سی ارقه سی شکرچی خانی اوکی  
طریق عام ایله محدود بریسی اون بش دیگری اون  
اوج ذراع عرصه اوزرینه مبنی قرق بش و قرق  
یدی نومرولر ایله مرقم طباقجی و خرده جی دکانلریله  
محل مذکوره چورابجی خانی تحتنده کائن برطرفی  
یکرمی سکز نومرولی طباقجی دیگر طرفی از میرلی  
اوغلی پارلانک اوتوز درت نومرولی خرده جی  
مغازه سی ارقه سی چورابجی خانی اوکی طریق  
عام ایله محدود اوتوز التی ذراع عرصه اوزرینه  
مبنی اوتوز و اوتوز ایکی نومرولرله مرقم الیوم  
بر باب کلیدجی دکانده متصرف اولدیغی ربع  
حصه لری بوندن اقدم بالمزایده لیرای عثمانی یوز  
غروش حسابیله قرق بش نومرولی طباقجی دکانی  
حصه سی درت بیک التیوز و قرق یدی نومرولی  
خرده جی دکانی حصه سی درت بیک اوچیوز الی  
واوتوز و اوتوز ایکی نومرولی کلیدجی دکانی  
حصه سی سکز بیک التیوز غروش بدل ایله طالبلری  
عهده لرنده تقرر ایش اولغله حصص مذکوره یه  
بدلات مقررده دن فضله یعنی یوزده بش ضمیمه طالب

اولتورلرک و ده از یاده معلومات المی استینانلرک تاریخ  
اعلاندن اعتباراً اوتوز برکون ظرفنده در سعادت  
بدایت محکمه سی اجرا دائره سنه مراجعت ایلری  
اعلان اولتور

فی ۱۷ تشرین اول سنه ۳۰۰

~~~~~

حسن اغایه طقسان ایکی بچق یوزلک قائمه مقابلنده
وفاء و مواضعه قارغه اولدیغی داود پاشا اسکله سی
جوارنده قره غولخانه قارشوسنده کائن بر باب
خانه نك اماده فراغی و ایشلش کرالک مع مصارف
محاکمه تحصیل حقنده بوندن اقدم ایکنجی حقوق
دائره سنه ویرمش اولدیغی استدعا اوزرینه مرقومه
ایکی دفعه احضاریه تبلیغ ایدلش و بوکره دخی
غیوبت ایش اولدیغندن بحثله بو بایده لازم کلان
معامله قانونیه نك اجرایی حافظه سعیده خاتم
طرفندن استدعا اولمش و محاکمه نك اجرایی
تشرین اولک اوتوز برنجی چهارشنبه کونی
مقرر بولمش اولغله یوم مذکوره ساعت بش
راده لرنده مرقوم حسن اغانک در سعادت ایکنجی
حقوق دائره سنه بالذات کلمسی و یا خود طرفندن
مصدق سندله بروکیل کوندرمی اقتضا
ایده جکی و عکسی حالنده حکم قانونک اجرا
ایدیله جکی اصول محاکمه قانونک یکرمی التجی
ماده سی حکمنه استناداً اوچنجی دفعه اوله رق
اعلان اولتور

فی ۹ محرم سنه ۳۰۲ و فی ۱۷ تشرین اول سنه ۳۰۰

~~~~~